

मार्निंग डोगरी न्यूज़ बुलेटिन,

समा. 09.20 Hrs

<><><><><><>

Headlines

- लेफ्टिनेंट गवर्नर मनोज सिन्हा होरें इस बरे दी श्री अमरनाथ जी दी यात्रा गी कामयाबी कन्नै करोआने च योगदान देने आहले बक्ख-बक्ख सरबंधत धड़ें गी सम्मानित कीता ते आक्खेआ जे एह यात्रा, जम्मू-कश्मीर च रमानदारी ते एकता दी प्रतीक ऐ।
- मुखमंत्रि उमर अब्दुल्ला होरें आक्खेआ ऐ जे राई-बाई दा खेतर, जम्मू-कश्मीर दी अर्थबवस्था दी रीढ़ ऐ।
- राज्य जांच एजेंसी - SIA नै 36एं बरें पराने आतंकवादी मामले दे सरबंधे च श्रीनगर च बक्ख-बक्ख थाहरे छापे मारे न।
- जम्मू-कश्मीर च औंदे आजादी दे ध्याड़े आहले समारोह गी देशभक्ति ते जोश-जज्बे कन्नै मनाने लेई सब्भै त्यारियां करी लैती गेदिआं न।
- ते जम्मू-कश्मीर, औंदी 21 थमां 23 अगस्त तगर श्रीनगर दी डल झील च खेलो-इंडिया विंटर स्पोर्ट्स फेस्टिवल-2025 दी मेजबानी करोग। मुख सचिव होरें इस उत्सव लेई तैयारिएं दा जायजा लैता।

<><><><><><>

LG -Amarnath (Byte)

उपराज्यपाल मनोज सिन्हा होरें-2025 बरे दी 8 अमरनाथ जी दी यात्रा गी पूरी कामयाबी कन्नै तोड़ चाढ़ने लेई श्री अमरनाथ श्राईन बोर्ड, प्रशासन, सुरक्षाबलें, सेवां उपलब्ध कराने आहलें डाक्टरें ते नीम डाक्टरी अमले, गैर-सरकारी संगठनें ते सरबंधित होरनें हितधारकें गी सम्मानित कीता। श्रीनगर च आयोजित इक समारोह दौरान एल.जी होरें इनें सब्भनें दी मती सराहना कीती- जिन्दे आपसी तालमेल, निष्ठा ते सम्पूर्ण भाव दी बदौलत एह यात्रा कामयाब रेही। एगती 4 लक्ख 14 जहार कोला मते श्रद्धालुएं अमरनाथें दी यात्रा कीती ऐ। एल.जी होरें आक्खेया जे यात्रा गी लेइये लोकें दा जोश, जम्मू-कश्मीर दा माहौल खराब करने आहले लेई इक सबक ऐ



CM Agriculture

मुख्यमंत्री उमर अब्दुल्ला हों राई-बाई ते एहदे नै जुड़े दे सब्भनं क्षेत्रं च आत्मनिर्भरता दी जरूतै पर जोर दिता ऐ। उनें एह गल्ल शेर-ए-कश्मीर एग्रीकल्चर युनिवर्सिटी कश्मीर दे शालीमार कन्वैन्शन सैन्टर च आयोजित इक समारोह च नमें भर्था कीते गेदे वैटनरी एसिस्टेंट सर्जनं ते बागवानी विकास अधिकारियें गी नियुक्ति-पत्र सौंपदे मौके आक्खी। सकल घरेलू उत्पाद यानी GDP ते रोजगार दे मौके बधाने च राई-बाई क्षेत्र दी भूमिका गी उजागर करदे होई मुख्यमंत्री हों सब्भनं जिले च डेरी प्रोसेसिंग युनिट कायम करने दी योजना दी घोषणा कीती ते अधिकारियें गी जोर देइयै आक्खेया जे योजनाएं दा लाह भलेया जमीनी सतह तगर पुजाने लेई ओ पूरी निष्ठा कन्नै कम्म करन



CM-ICAI

मुख्यमंत्री उमर अब्दुल्ला हों कल पैहलगाम च लग्गी दी चारटर्ड एकाउटेंट दे भारतीय संस्थान ICAI दी 445मीं परिषद बैठक च संस्थान दे मिम्बरें कन्नै गल्लबात दौरान बैठकां लोआने लेई जम्मू-कश्मीर गी चुनने लेई आभार प्रगट कीता। इस मौके उनें जम्मू-कश्मीर च दर्मयाने, लौहके ते भलेया लौहके उद्यमें गी बढ़ावा देने सरबंधि इक रिपोर्ट बी जारी कीती जेहदा विष्य सार हा- "From Policy to Profits: Amplifying MSME Revenue in J&K" . उमर अब्दुल्ला हों ICAI गी साददा दिता जे ओ शासन गी सशक्त बनाने च सहयोग देने लेई अग्गे आवै। उनें राष्ट्र निर्माण ते राष्ट्र दे आर्थिक विकास च ICAI दी भूमिका दी सराहना कीती।



SIA Kashmir

राज्य जांच एजेंसी- SIA नै आतंकवाद कन्नै जुड़े दे 36एं बरें पराने इक मामले दे सरबंधे च श्रीनगर च 8एं थाहरें पर छारे मारे न। एह कारवाई 1990 च SKIMS सोरा च तैनात सरला भट्ट नां दी इक कश्मीरी पंडत नर्स दी आतंकवादियें आसेया बैरैहमी कन्नै कीती गेदी हत्या दे सरबंधे च नगीन पुलस थाने च दर्ज मामले दी जारी जांच दे इक हिस्से दे तौरा पर कीती गई । इस छापेमारी दरान SIA नै केई ऐतराज-जोग दस्तावेज बरामद कीते न। अधिकारियें दा मनना ऐ जे- इंदे

राहें इस अपराध दे पिच्छे दी इक बड्डी साजिश दा पर्दाफाश होग। एजेंसी दा मकसद पीढ़ितें ते उन्दे परोआर गी न्यां उपलब्ध करोआना ऐ।



Announcement PTC

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओह जम्मू जिले दा रौहने आहला ऐ, ओह जम्मू जिले दा रौहने आहला ऐ एदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोइचदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोइचदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोइचदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू च 31 अगस्त 2025 संजा 6 बजे कोला पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।



I Day Security Arrangements

जम्मू-कश्मीर च औंदे आजादी दे ध्याड़े आहले समारोह गी देशभक्ति ते जोश-जज्बे कन्नै मनाने लेई सब्भै तैयारियां करी लैती गेदिआं न। खिते दिएं सब्भनें थाहरे टकोहदा करियै संवेदनशील थाहरे पर सुरक्षा बवस्था निगगर करी दिती गेदी ऐ तांजे सब्भै समारोह रमानदारी ते बवस्था आहले ढंगै सिर करोआए जाई सकन। जम्मू च मुख समारोह मौलाना आजाद स्टेडियम च होग- जिसलै के श्रीनगर च मुख समारोह दा आयोजन बखशी स्टेडियम च कीता जाहग। श्रीनगर च मुखमंत्री उमर अब्दुल्ला जिसलै के जम्मू च उपमुखमंत्री सुरिंदर चौधरी होर तिरंगा फेहराडन। इस्सै चाल्ली मंत्री स्कीना इत्तु होर अनंतनाग च, जावेद अहमद राणा होर- पुंछ च जावेद अहमद डार होर- बारामूला च सतीश शर्मा होर कठुआ आहले कार्यक्रमें च शामिल होडन। इंदे अलावा DDC अध्यक्ष, SDM ते तैहसीलदार बी अपने सरबंधत जिलें, सब-डिवीजनें ते ब्लाकें च आयोजित होने आहले समारोहें दी अगुवाई करगंन।



I Day Celebration

79में स्वतंत्रता दिवस दे उपलक्ष च पिच्छले केइयें दिने थमां चलै करदी बक्ख-बक्ख गतिविधियें दे सिलसिले तैहत अज्ज-कल्ल चौने पास्सै देश प्यार दा जोश ते जज्बा दिक्खने गी लब्बै करदा ऐ। एहदे तैहत गै कल पुंछ च जिला प्रशासन आसेया “हर घरल तिरंगा अभियान” तैहत 5 किलोमीटर लम्मी इक मानव श्रृंखला बनाई गई जेहदे च 5 जहार कोला मते लोके हिस्सा लैता। शेर-कश्मीर ब्रिज कोला लेइयें दरेला ग्रां तोड़ी जहारें दी गिनतरी च लोक, जिन्दे च बक्ख बक्ख-बक्ख मैहकमे दे अधिकारी-विद्यार्थी-स्वयंसेवी ते होर लोक शामिल हे- नै हत्थें च तिरंगें झंडे फगड़िये इक मानव श्रृंखला बनाई ते अजादी दे इस ध्याड़े दे प्रति अपनी निष्ठा सम्पूर्ण ते उत्साह प्रगट कीता। इस मौके DC पुंछ अशोक कुमार शर्मा होरें आक्खेया

तोंआई उधमपुर च कल SSP ट्रैफिक हाई-वे आदिल हमीद हुंदी अगुआई च ट्रैफिक पुलिस आसेया तिरंगा रैली कड़ी गई जेहदे च स्कूली बच्चें बी मते उत्साह कन्नै हिस्सा लैता। शैहरें दे बक्ख-बक्ख हिस्से थमां हुन्दे होई एह रैली दोमेल दे शहीदी चौक च सम्पन्न होई। इस मौके आकाशवाणी कन्नै गल्ल करदे होई SSP आदिल हमीद होरें आक्खेया



CS Khelo India Sports

मुख्य सचिव अटल डुल्लु होरें औंदी 21 थमां 23 अगस्त तोहड़ी डल झील च आयोजित कीते जाने आले Khelo India Water Sports Festival -2025 लेई त्यारियें दा कल इक बैठक दरान जायजा लैता। इस उत्सव दा मकसद जम्मू-कश्मीर दी सगगोसार संस्कृति,इस उत्सव दा मकसद जम्मू-कश्मीर दी सगगोसार-संस्कृति-दस्तकारियें ते सैलसफा समर्थ दा प्रदर्शन करना ऐ ते एहदे च तकरीबन 800 खडारी,तकरीबन 800 खडारी- कायाकिंग-कैनोइंग-रोइंग ते इस चाली दे होरनें मुकाबलें च अपना दम-खम दस्सगंन। सरबंधत अधिकारियें गी निर्देश दिते गे न जे ओह सब्भै लोइचदी स्थूलतां ते सुरक्षा वबस्था यकीकी बनान। इस उत्सव दा उदघाटनी समारोह बड़ा शानदार होग ते एहदे च ड्रोन-शो: लोक -नाच ते मकामी दस्तकारियें दा प्रदर्शन कीता जाहग। जम्मू-कश्मीर खेड काउंसल ते युवा मामलें सरबंधी मंत्रालय आसेया आयोजित एह उत्सव-जम्मू-कश्मीर दी कुदरती खूबसूरती ते खेडें सरबंधी जज्बें गी उजागर करोग।

